

Allaah Kī Madad Ke Liye Shukrguzaarī

Zabur 138

Yā Allaah rabbul kareem, main pure dil se terā shukriyā adā kartā huñ;
main in jhūṭe ḳḥudaaon ke saamne terī azmat ke qaseede paḍhuñgā. ⁽¹⁾

Main tere paak muqaamon kī taraf taazeem me jhuktā huñ.
Tune apnā naam azeem karā hai,
aur apne kalaam ko har cheez se zyaadā izzat baḳḥshī hai. ⁽²⁾

Jis waqt bhī maine tujhe pukaarā, tune jawaab diyā.
Tune mujhe himmat dī aur merī ruh ko mazbut kar diyā. ⁽³⁾

E mere rab, zameen ke saare baadshaah terā shukriyā adā kareñge,
jab unko patā chalegā ki tune jo kahā thā wo purā ho gayā hai. ⁽⁴⁾

Haan! Wo sab tere kamaal ko dekh kar naḡmeñ gaaeñge.
Kyunki, e mere rab, tu azeem hai. ⁽⁵⁾

E Allaah! Tu sabse zyaadā azeem hai.
Tu narm dil waale logoñ kā ḳḥyaal rakhtā hai,
aur maḡrur logoñ se bahut dur rahtā hai. ⁽⁶⁾

Jab main pareshaaniyon se ghirā houñgā,
to, e mere rab, tu merī madad karegā.
Jab mere dushman mujhse nafrat kareñge,
to tu hī mujhe baḳḥ kar apnī taaqat se bachā legā. ⁽⁷⁾

E mere rab! Tu har us nemat ko mere paas laaegā jo tune mere liye tay karī hai.
Aur, e mere parwardigaar, terī ye mohabbat hameshā qaayam rahegī.
Apnī banaaī huī maḳḥluq se apnī nazar-e-karam mat haṭā. ⁽⁸⁾